

De Brill ass d'Suergeland önnert eise Schoulen. Dei heich Konzentratioun vu Auslännerkanner huet eng Präsenz vum Service gefuedert. Och hei besteet e Bürosraum wou én vun de Psychologen 2x d'Woch mat Kanner an Elteren ka schaffen. Um Brill huet de Service MPP och maasgeblech derzou beige-droen fir d'Strukturen de Kanner unzepassen an nôt emgedreint. Haut ginn et Klassen, die sech an hiren Programmen an hiren Ufuerderungen de Problemer vun den Auslännerkanner ugepasst hunn. Dei Aktiviteit göt ennerstetzt duerch 2 Enseignants dei freigestallt sinn fir gezielten Sprochtraining mat Auslännerkanner ze machen. Och bei desen Experimenten ass et kloer dass se wëssenschaftlech kontrolliert an ausgewärt ginn. Ebenfalls um Brill göt eng mei enk Zesummenaarbecht zwöschent dem Jugendhaus an dem Service ugestriift an zwar: 1. bei der Berodung vu jugendlechen Aarbechtslosen an 2. bei dem Encadrement vun Hëllefscouren dei Freiwëlleger de Kanner aus dem Quartier ginn.

Um Brouch huet de Service vun 1982 un e klenge Schoulsall zur Verfügung fir op der Platz mat Elteren an Kanner ze schaffen. En vun de Psychologen an d'institutrice-rééducatrice ginn all Woch 1 - 2x an dei Schoul.

Och d'Schoul am Neiduerf huet lang Zeit vun der Mataarbecht vun eise Pädagog profiteiert. D'Kanner aus de Schoulen woumer keng Reim hunn gin um Service am Massardshaus gesinn.

Eng enk Zesummenaarbecht besteet och zwöschent eise Service an dem Service de Guidance de l'Enfance "Um Gruef" den fir d'Emgeigend vun Esch zoustenneg ass. Mat hinnen zesummen huet de Service é Raum fir Spilltherapie ageriicht.

Een Haaptmoment vun der Aarbecht vum Service ware vun Ufank un d'Hëllefsmoosnahmen fir dei Kanner di se néideg haaten. Et sollt nôt nömmen Diagnostik gemaach an en Dossier ugeluecht gin mä d'Kanner sollten direkt a konkret gehollef kréien. Dat war besonnesch de Fall bei geeschteg behönnerte Kanner. Vill Elteren hun deemols schon hir Kanner léiwer an eng Speziaalklass an Esch gescheckt ewéi an eng geschlossen Institutioun. Op Initiative vum Service a vum "Cercle d'Etudes" ass du den 1. Centre Médico-Pédagogique 1965-66 an Esch ge-